



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 19/02/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Interieur, Mobilitéit, Wunnéngsbau & Landesplanung weiderzeleeden.

D'kohärent Weiderentwéckelen vun den urbane Raim ass een zentralt Element vun der Landesplanung. Baséierend um Programme directeur vun 2003 an dem IVL hat de fréieren Inneminister Jean-Marie Halsdorf (CSV) d'Konzept vun den « Communautés urbaines » presentéiert. Dës « Communautés urbaines » sollten u sech d'politesch Ambitiounen en termes vun der Dezentraliséierung an enger kohärenter Landesplanung an den urbane Raim combléieren.

Wéi aus der Äntwert op d'Question parlementaire n° 1767 ervir geet, ass d'Regierung net gewëllt d'« Communautés urbaines » nach eng Kéier op den Ordre du Jour ze setzen. D'Inneministes huet dowéinst an hirer Äntwert op meng Fro d'Instrument vun de « Conventions de coopération territoriale Etat-communes » ernimmt. Zanter 2005 bitt dëst Instrument de Gemengen an dem Staat d'Méiglechkeet gemeinsam interkommunal Strategien auszeschaffen. D'Instrument vun de « Conventions de coopération territoriale Etat-Communes » ass manner contraignant wéi dat vun de Communautés urbaines an d'Gemengen an de concernéierte Gebidder profitéieren weiderhin vun wäitreechender Autonomie a vitale Beräicher wéi dem Logement an der Mobilitéit. All Gemeng an de Ballungsgebidder (an och all aner Gemeng) schafft weiderhin hiren eegenen PAG aus. Den Artikel 26 vum Gesetz zum Aménagement du territoire gesäit zu de « Conventions de coopération terrotoriale » Folgendes fir :

« Le ministre peut, suite à l'accord du Gouvernement en conseil, conclure des conventions de coopération territoriale Etat-communes avec plusieurs communes, avec des communes membres d'un parc naturel ou avec un syndicat de communes. Ces conventions ont pour objet d'inciter les communes à développer et à mettre en œuvre des stratégies intercommunales ou transfrontalières et de contribuer à la mise en œuvre des plans et programmes de l'aménagement du territoire. »

De Pierre Majerus hält a séngem Wierk « L'État luxembourgeois », betreffend dem Artikel 107 vun der Constitioun fest, datt d'Autonomie communale « relative » ass. Demno schreift hien :

« La Constitution, en établissant le principe de l'administration autonome des communes en ce qui concerne les affaires purement communales, a cependant voulu éviter que cette autonomie relative ne porte atteinte aux intérêts nationaux. » A weider : « elle ne doit pas être attentatoire aux intérêts



www.piraten.lu

nationaux ».



Sensibilité politique
Boîte postale 83
L-7201 Bereldange

Aus deem Grond hat ech a menger Question parlementaire n° 1767 d'Fro opgeworf, ob d'Gemengenautonomie am Liicht vun der aktueller Logementskris an den domat verbonnenen Erausforderungen fir déi eenzel Gemengen an den dräi Ballungsgebidder nach zäitgeméiss ass. Dorop krut ech leider keng Äntwert, ma ech gouf wéi schonn an der Vergaangenheet op den Pacte Logement 2.0, sou wéi op d'Charte européenne de l'autonomie communale verweisen. D'Ministesch schreift des weideren an hirer Äntwert :

« Doriwwer eraus ass et och haut scho méiglech, ouni Communautés urbaines PAGE mateneen ofzestëmmen, fir eng gemengeniwwergräifend Planung ze verwierkiechen, och wann all Gemeng weiderhin sain eegene PAG waert hunn. Déi zukënfteg Plans sectoriels erlaben aus dem Grond och eng Coordinatioun vun der Politik an de Beräicher vum Wunnengsbau, der Mobilitéit, der Ëmwelt an den Aktivitéitszonen. »

Dës Zesummenaarbecht ass a bleift awer weiderhin a wäiten Deeler d'Decisioun vun all eenzeler Gemeng. Et sinn d'Gemengen, déi decidéieren wat se op hirem Territoire réaliséieren. Et gëtt also keng Obligatioun. D'lokal gewielten Verrieder an de jeeweilege Gemengen müssen weiderhin Decisiounen op kommunalem Niveau huelen, déi awer op mannst deelweis am nationalen Interessi leien.

An deem Zesammenhang wéilt ech de Ministeren dës Froe stellen:

1. Dir Dammen an Härre Ministeren, sinn den Amenagement du Territoire, d'Mobilitéit an de Logement an ären Aen eng Responsabilitéit déi weiderhin, am aktuelle Mooss, vun de Gemengen an den dräi Ballungsgebidder sollen souverän gedroen ginn?
2. Ass d'Ministesch net der Meenung, datt d'Themen wéi Logement, Mobilitéit an Landesplanung, op mannst mol an den dräi Ballungsgebidder vum Land, a virun allem am Kontext vun enger Logements- an Mobilitéitskris, vun nationalem, an net kommunalem Interessi sinn? Misst een sech hei net iwwerleeën, dem Artikel 107 vun der Constitutioun Rechnung ze droen, an op mannst an den dräi Haaptagglomeratiounen d'Gemengenautonomie méi differenzéiert ze apprehendéieren, wéi dat am Recht vum Land de Fall ass?
3. Här Minister fir Logement, Madamm Inneministes, Här Minister fir Mobilitéit an Här Minister fir Landesplanung, wéini ass fir Iech perséinlech d'Grenz erreecht, wou déi genannte Beräicher vu nationalem an net méi kommunalem Interessi wieren? Wéi gesäit ärer Meenung no eng Situatioun aus, an där „Incentives“ a „Bottom-Up Prozesser“ net méi duer ginn a missten „Top-down“ Decisiounen geholl ginn fir de Logements-, Mobilitéits- an Landesplanungsproblem resolut unzegoen?
4. Wat ass dem Minister fir Landesplanung säi Bilan betreffend de « Conventions de coopération territoriale Etat-Communes »? Wéivill Gemengen hu vun dësem Outil bis well profitéiert? Huet de Ministère wëlles, dëst Konzept weider auszebauen ?
5. Um Beispill vun der Nordstad – Wéi zefridden ass d'Madamm Ministesch mam Projet Nordstad? Ass dat erreecht ginn, wat een sech virgeholl hat?
6. Hält d'Madamm Ministesch Gemeengefusiounen an de concernéierten Arealer fir onëmginglech oder ass d'Madamm Ministesch der Meenung, datt Fusiounen net onbedéngt néideg wieren, fir datt z.b de Projet Nordstad an Zukunft als Succès wäert kënnen betruucht ginn ?
7. Madamm Ministesch, firwat schléisst Dir d' « Communautés urbaines » aus den aktuellen Bestriewungen an Iwwerleeungen, en termes vum Logement, der Mobilitéit an der Landesplanung weiderhin aus?



www.piraten.lu



Sensibilité politique
Boîte postale 83
L-7201 Bereldange

Mat déiwem Respekt,

CLEMENT Sven
Député



www.piraten.lu